

MODELI PËR DOKUMENTIN KONSULTATIV

Projektligji “Për disa shtesa dhe ndryshime në ligjin nr. 152/2015 “Për shërbimin e mbrojtjes nga zjarri dhe shpëtimin””

Ministria e Brendshme fton qytetarë, organizata të shoqërisë civile, ekspertë të fushës, shoqata dhe përfaqësues të tjerë të publikut të interesuar për të kontribuar përgjatë procesit të konsultimit publik të projektligjit “Për disa shtesa dhe ndryshime në ligjin nr. 152/2015 “Për shërbimin e mbrojtjes nga zjarri dhe shpëtimin””.

Ministria e Brendshme mirëpret:

Komente të përgjithshme publike mbi përcaktimet e projektligjit, kryesisht për shtesat dhe ndryshimet në nenet përkatëse, mbi:

- Organizimin e strukturës së shërbimit;
- Shërbimin vullnetar të MZSh-së;
- Kriteret e pranimit për nivelet në shërbimin e MZSH-së;
- Kriteret për fitimin e gradës;
- Shqyrtimin e dokumentacionit tekniko-ligjor;
- Inspektimin për masat e mbrojtjes nga zjarri dhe shpëtimin;
- Të drejtat;
- Sanksionet administrative.

Kontributet tuaja do të konsiderohen përgjatë procesit të përmirësimit të mëtejshëm të projektligjit.

Ministria e Brendshme do të përmbledhë të gjitha sugjerimet dhe komentet tuaja dhe do të japë sqarime për mënyrën se si ato janë reflektuar në projektakt, edhe në rast se mendimet nuk reflektohen në projektligj.

Kohëzgjatja e konsultimeve:

Konsultimi publik do të zgjasë të paktën 20 ditë pune sikurse kërkon ligji, nëpërmjet publikimit në RENJK, nga data 21 dhjetor 2022 deri më 20 janar 2023.

Si të përgjigjeni:

Mund të merrni pjesë në procesin e konsultimeve publike duke dërguar komente/kontribute për projektligjin:

- Duke plotësuar formularin online të Regjistrisë Elektronike për projektaktin, në adresën elektronike: <http://www.konsultimipublik.gov.al>.
- Me email duke dërguar propozimet/sugjerimet tuaja në adresën e koordinatorit të konsultimit publik për Ministrinë e Brendshme, Besmira Hoxha, në adresën: besmira.hoxha@mb.gov.al

Të dhënat e kontaktit të koordinatorit përkatës për konsultime publike dhe/ose të ndonjë personi tjetër të cilit i drejtohen pyetjet:

znj. Besmira Hoxha - Koordinatore e Konsultimit Publik për MB, e-mail besmira.hoxha@mb.gov.al

Datat dhe vendet e takimeve publike:

Projektligji “Për disa shtesa dhe ndryshime në ligjin nr. 152/2015 “Për shërbimin e mbrojtjes nga zjarri dhe shpëtimin”” është hartuar nga grupi i punës, i kryesuar nga zëvendësministri i Brendshëm, në zbatim të urdhrit nr. 139, datë 26.07.2022 të ministrit të Brendshëm “Për ngritjen e grupit të punës për hartimin e projektligjit “Për disa ndryshime dhe shtesa në ligjin nr. 152/2015 “Për shërbimin e mbrojtjes nga zjarri dhe shpëtimin””, në bashkëpunim me Drejtorinë e Programimit, Standardizimit dhe Harmonizimit të Kuadrit Rregullator në Ministrinë e Brendshme, duke zhvilluar takimet në muajt gusht-dhjetor 2022, në Ministrinë e Brendshme.

Projektligji është dërguar për mendim në Ministrinë e Drejtësisë, Ministrinë e Financave dhe Ekonomisë dhe Ministrinë e Mbrojtjes, në muajin dhjetor 2022.

Sfondi i propozimit legjislativ

Projektakti, konkretisht projektligji “Për disa shtesa dhe ndryshime në ligjin nr. 152/2015 “Për shërbimin e mbrojtjes nga zjarri dhe shpëtimin”” ka për qëllim përmirësimin e ligjit nr. 152/2015 “Për Shërbimin e Mbrojtjes nga Zjarri dhe Shpëtimin”, duke plotësuar disa mangësi që janë evidentuar, gjatë zbatimit të tij, kryesisht në vështirësitë që janë hasur referuar zbatimit të kriterëve të pranimit për nivelet në shërbimin e MZSH-së, gjatë përzgjedhjes të punonjësve të këtij shërbimi.

Gjatë viteve të fundit, struktura e shërbimit të MZSH-së i është nënshtruar një procesi decentralizimi me qëllim përmbushjen e misionit, i cili konsiston në arritjen e ngritjes së këtij shërbimi, si strukturë e specializuar e gatishmërisë së përhershme, në çdo bashki.

Përpjekjet për të investuar në infrastrukturën e mbrojtjes nga zjarri dhe shpëtimin, si dhe në aftësitë dhe cilësitë njerëzore është dhe mbetet ende synimi kryesor, kryesisht në vlerat e kapaciteteve shpëtuese në raste zjarresh, fatkeqësish natyrore apo fatkeqësish të tjera.

Në kuadër të përmirësimit të nivelit të performancës së këtij shërbimi, si dhe të objektivave për zbatimin e politikave të veprimtarisë së shërbimit të MZSH-së, qëllimi për rritjen dhe garantimin e sigurisë publike nga rreziku i zjarrit në territorin e bashkisë, synohet të realizohet nëpërmjet ndryshimeve si dhe angazhimit maksimal në përmbushjen e detyrimeve të legjislacionit sektorial dhe akteve nënligjore në zbatim të tij për mbrojtjen nga zjarri dhe shpëtimin.

Ndryshimet e ardhshme ligjore promovojnë faktin se, rekrutimi i personelit cilësor në strukturat vendore të shërbimit të MZSH-së është me rëndësi për zhvillimin e mëtejshëm të burimeve njerëzore për strukturën e shërbimit zjarrfikës.

Propozimet

Ndryshimet e pritshme të ligjit nr. 152/2015 synojnë të arrijnë objektivat për një menaxhim sa më të suksesshëm të burimeve njerëzore në strukturën e shërbimit të MZSH-së, si dhe vlerësohet se duhet të zhvillohen e përmirësohen duke u përqëndruar në këto objektiva kryesorë si:

- a) krijimi i standardeve për pranimin e punonjësve të rinj për të rritur cilësinë në strukturën e shërbimit të MZSH-së, duke përmirësuar ndërkohë procedurat dhe praktikën e procesit të pranimit, por edhe duke mundësuar për plotësimin e nevojave, nëpërmjet pranimeve në shërbimin e MZSH-së të ushtarakëve aktivë të Forcave të Armatosura të Republikës së Shqipërisë, si dhe punonjësve të strukturave të Policisë së Shtetit. Kalimi nga strukturat operacionale të Forcave të Armatosura dhe të Policisë së Shtetit tek strukturat vendore të shërbimit të MZSH-së do të realizohet duke njohur vjetërsinë e shërbimit në këto struktura, për efekt gradimi.
- b) siguri i një sistemi të drejtë, transparent dhe të barabartë për menaxhimin e karrierës lidhur me emërimin, vlerësimin dhe ecurinë në gradë e karrierë.
- c) rritja e moshës së pranimit të punonjësve operacionale, pra për nivelin bazë të këtij shërbimi nga 30 në 35 vjeç, si dhe përcaktimi i moshës për punonjësit e nivelit të mesëm nën moshën 50 vjeç;
- d) promovimi i shërbimit vullnetar të mbrojtjes nga zjarri.

Pyetjet

Jeni të ftuar të jepni komentet dhe kontributet tuaja për të gjitha aspektet e projekt-ligjit të propozuar.

- Si i vlerësoni përcaktimet në projektligj, kryesisht mbi:

- Organizimin e strukturës së shërbimit;

- Shërbimin vullnetar të MZSh-së;
- Kriteret e pranimit për nivelet në shërbimin e MZSH-së;
- Kriteret për fitimin e gradës;
 - A jeni dakord me parashikimet e përcaktuara në projektligj, kryesisht për:
- Shqyrtimin e dokumentacionit tekniko-ligjor;
- Inspektimin për masat e mbrojtjes nga zjarri dhe shpëtimin;
- Të drejtat;
- Sanksionet administrative.